

WEB Aruba N.V. ta firma cu Temporal Power

ORANJESTAD – Un acuerdo grandi y clave a sali for di e prome dia di e seis edicion di Green Conference. Ta trata di un proyecto masha innovativo cu ta permiti WEB Aruba N.V. crea depositonnan di energia.

E socio di nos empresa local di utilidad den e iniciativa aki ta Temporal Power y e idea

su tras ta pa crea un sistema di deposito di energia tipo flywheel cu un capacidad di 5 MegaWatt.

E anuncio y firmamento di e acuerdo a tuma lugar dilanti di e participantenan di e conferencia y den presencia di Minister di Asuntonan Economico, Energia y Comunicacion, ing. Mike de Meza y Director di Utilities Aruba N.V. Firmantenan tabata Di-



rector interino di WEB Aruba N.V. ing. Luis Oduber y Eric Murray, President y CEO di Temporal Power Ltd.

E sistema di flywheel ta sigura un flexibilidad y resistencia mas grandi riba e grid, mientras cu na mesun momento ta baha e cantidad di fuel cu mester kima den e proceso di produccion di energia.

E proyecto ta parti den dos fase, cada un tin un capacidad di 5 MegaWatt y ta programa pa keda concretisa na 2017.

“Den nos empeño pa crea un sociedad sostenibel, e cambio pa un grid completamente renoba ta un prioridad pa Aruba.

Pa cumpli cu e meta aki, nos mester continua cu e pensamiento di liderazgo na WEB y

tecnologia innovativo manera e flywheels di Temporal Power,” Prome Minister Mike Eman a expresa.

Resultadonan beneficioso for di Green Conference ta continua riba diaranson, caminda ta programa lansamento di e Centro pa Excelencia di Nacionnan Uni pa Desaroyo Sostenibel pa SIDS (Small Island Developing States). □